

# ხელშეკრულება № 30/08/2

საქართველოში ოფიციალური დილერის ან მწარმოებლის გარანტიის მქონე ავტოსატრანსპორტო საშუალების ტექნიკური მომსახურების ან/და ასეთი მომსახურებისათვის საჭირო სათადარიგო ნაწილების ან/და საცხებ-საპოხი მასალის გამარტივებული სახელმწიფო შესყიდვის შესახებ

წინამდებარე ხელშეკრულება დაიდო 2011 წლის 30 აგვისტოს ქ. თბილისში და მოქმედებს 2011 წლის 30 სექტემბრამდე.

„სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის ს) ქვეპუნქტის, 10<sup>1</sup> მუხლის მე-3 პუნქტის თ) ქვეპუნქტის და „ავტოსატრანსპორტო საშუალებების წლოვანების ან/და გარანტიის პირობების დადგენის შესახებ, რომელთა ტექნიკური მომსახურების სახელმწიფო შესყიდვა შესაძლებელია გამარტივებული შესყიდვის საშუალებით“ საქართველოს მთავრობის 2011 წლის 21 იანვრის №26 დადგენილების საფუძველზე ერთის მხრივ შემსყიდველი – საქართველოს პარლამენტის აპარატი, მისი უფროსის მოვალეობის შემსრულებლის იაკობ იოსებაშვილის სახით (ქ. თბილისი, რუსთაველის გამზ. №8, სახელმწიფო ხაზინა. ანგ №200122900, საიდენტიფიკაციო კოდი 202058245) და მეორეს მხრივ მიმწოდებელი – შპს „აკა“, მისი დირექტორის დავით მკალავიშვილის სახით (ქ. თბილისი, უნივერსიტეტის 6, სს ბანკი რესპუბლიკა, კოდი REPLGE22, ა/ა GE67BR000000006467464, საიდენტიფიკაციო კოდი 204875082) ადასტურებენ, რომ მათ შორის მიღწეულია შეთანხმება შემდეგზე:

## 1. ხელშეკრულების საგანი:

1.1. მიმწოდებელი იღებს ვალდებულებას მიწოდოს შემსყიდველს საქართველოში ოფიციალური დილერის გარანტიის მქონე Mercedes-Benz S350 მარკის ავტოსატრანსპორტო საშუალებისთვის ქვემოთ მითითებული ტექნიკური მომსახურება ხელშეკრულების პირობების შესაბამისად.

№	დასახელება	რაოდ.	განზ.	ფასი	ჯამი
1	1 დისკის აღდგენა და 4 საბურავის ბალანსირება	1	ჯერადი	104,40	104,40
				სულ:	104,40

## 2. ხელშეკრულების ფასი:

2.1. ხელშეკრულების საერთო ღირებულება შეადგენს:  
**104,40 (ასოთხი ლარი და 40 თეთრი) ლარი.**  
(თანხა ციფრებით და სიტყვიერად)

2.2. ხელშეკრულების ფასი შეიცავს მიმწოდებლის ყველა ხარჯებს დაკავშირებულს შესყიდვის ობიექტის მიწოდებასთან, მათ შორის კანონმდებლობით დადგენილ ყველა გადასახადებს.

2.3. ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე და კანონით გათვალისწინებული პირობებით.

## 3. ხარისხი:

3.1. მიწოდებული შესყიდვის ობიექტის ხარისხი უნდა აკმაყოფილებდეს ხელშეკრულების პირობებს და დანიშნულებით გათვალისწინებულ სტანდარტებს და მოთხოვნებს.

## 4. ანგარიშსწორების წესი:

4.1. შემსყიდველი ვალდებულია გადაუხადოს მიმწოდებელს მიწოდებული მომსახურების თანხა შესაბამისი საგადასახადო ანგარიშ-ფაქტურის და მიღება-ჩაბარების აქტის წარმოდგენიდან ერთი კვირის მანძილზე უნაღდო ანგარიშსწორებით ლარებში.

4.2. შესყიდვის ობიექტის მიწოდება ხორციელდება მხოლოდ ხაზინაში რეგისტრირებული ვალდებულების ფარგლებში.

## 5. შესყიდვის ობიექტის მიწოდების ვადა, წესი და კონტროლი:

5.1. შესყიდვის ობიექტის მიწოდებას მიმწოდებელი უზრუნველყოფს შემსყიდველის მოთხოვნის შესაბამისად მიმდინარე წლის 15 სექტემბრამდე.

5.2. შემსყიდველი უფლებამოსილია მიწოდების დროს ჩაატაროს მომსახურების შემოწმება/კონტროლი, რისთვისაც გამოყოფს უფლებამოსილ პირს: პარლამენტის აპარატის სამეურნეო უზრუნველყოფის დეპარტამენტის ავტოსატრანსპორტით უზრუნველყოფის განყოფილების უფროსს დიმიტრი საბაძეს.

უფლებამოსილი პირის ხელისმოწერა: 

5.3. მიმწოდებელი პასუხს აგებს მიწოდებული მომსახურების ხარისხზე, ხოლო შემსყიდველი უფლებამოსილია ჩაატაროს ხარისხის კონტროლი და აღმოჩნდება უხარისხო (წუნდებული) საქონელი და/ან მომსახურება შემსყიდველი უფლებამოსილია წარუდგინოს მიმწოდებელს დასაბუთებული რეკლამაცია, რის შემდეგ მიმწოდებელი ვალდებულია გამოასწოროს ხარვეზები ან დაუბრუნოს შემსყიდველს აღნიშნული ღირებულება.

5.4. შემსყიდველი უფლებამოსილია განაცხადოს უარი დაგვიანებით მიწოდებული, ან უხარისხო (წუნდებული), ან არასრული მოცულობით წარმოდგენილი თანხლები დოკუმენტაციის მქონე საქონლის და/ან მომსახურების მიღებაზე.

5.5. საქონლის გადაცემამდე ყველა ქონებრივი უფლება საქონელზე ეკუთვნის და რისკები მისი შემთხვევით (მთლიანად ან ნაწილობრივ) დაღუპვაზე, გაფუჭებაზე ან რაიმე ზიანზე ეკისრება მიმწოდებელს, ხოლო გადაცემის მომენტიდან აღნიშნული უფლებები და რისკები გადადის შემსყიდველზე.

5.6. შესყიდვის ობიექტის მიღება-ჩაბარება ხდება შემსყიდველსა და მიმწოდებელს შორის მიღება-ჩაბარების აქტის გაფორმებით.

### 6. მხარეთა ურთიერთვალდებულებები და პასუხისმგებლობა:

- 6.1. შემსყიდველი უფლებამოსილია შესყიდვის ობიექტის მიწოდების ვადის გადაცილების შემთხვევაში, დააკისროს მიმწოდებელს საურავი ყოველ გადაგადაცილებულ დღეზე ხელშეკრულების ღირებულების 0,2 %-ის ოდენობით.
- 6.2. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულებით განსაზღვრულ ვადებში და ფორმით.
- 6.3. მიმწოდებელი ვალდებულია ხელშეკრულებით ნაკისრი ვალდებულებები შეასრულოს ხარისხიანად და კეთილსინდისიერად.

### 7. ფორს-მაჟორი:

- 7.1. ხელშეკრულების პირობების დარღვევად არ ჩაითვლება შემთხვევა, როცა რომელიმე მხარე ვერ მოახერხებს თავისი მოვალეობის შესრულებას ფორს-მაჟორული მოვლენების ზემოქმედების გამო.
- 7.2. ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მხარეთა შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.
- 7.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობის და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

### 8. ინტერესთა კონფლიქტი

8.1. შემსყიდველის მხრიდან ხელშეკრულებაზე ხელმოწერი პირი და უფლებამოსილი პირი, „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, წინამდებარე ხელშეკრულებაზე ხელმოწერებით ადასტურებენ, რომ მათი მონაწილეობა აღნიშნულ შესყიდვაში არ იწვევს ინტერესთა კონფლიქტს.

### 9. სხვა პირობები

- 9.1. ეს ხელშეკრულება ძალაში შედის მხარეთა ხელმოწერის დღიდან.
- 9.2. ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.
- 9.3. მხარეთა შორის სადაო საკითხები წყდება მხარეთა მოლაპარაკების გზით. შეთანხმების მიუღწევლობის შემთხვევაში საკითხს განიხილავს სასამართლო.
- 9.4. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

წინამდებარე ხელშეკრულება დაბეჭდილია ორი თანაბარი ძალის მქონე ეგზემპლარად, რომელთაგან ერთი გადაეცემა შემსყიდველს, ხოლო მეორე მიმწოდებელს.

შემსყიდველი  
საქართველოს პარლამენტის აპარატის  
უფროსის მოვალეობის შემსრულებელი



მიმწოდებელი  
შპს „აკა“-ს დირექტორი

იაკობ იოსებაშვილი

